



文選正文

山子點

~ 16
3275
2



門 16
號 3275
卷 2

文選正文卷之一

南郭先生句讀

兼山先生國讀

門人葛山壽校

後學久保謙重訂

賦類

兩都賦序

班固

或曰賦者古詩之流也。昔成康沒而聲寢，王澤竭而詩不作。大漢初定，日不暇給，至於武宣之世，乃崇禮官，考文章，內設金馬石渠之署，外興樂府協律之事，以興廢繼絕，潤色鴻業。是以衆庶悅豫，福應尤盛，白麟赤鳳，芝房寶鼎之歌，薦於郊廟，神雀五鳳，甘露黃龍之瑞，以為年紀。故言語侍從之臣，若司馬相如、虞丘壽王、東方朔、枚臯、王褒、劉向之屬，朝夕論思，日月獻納，而公卿大臣、御史大夫、視寬、太常、孔臧、大中、大

昭和二十五年五月廿三日
今田牛牛氏贈

夫董仲舒宗正劉德太子太傅蕭望之等時時間作或以抒下情而通諷諭或以宣上德而盡忠孝雍容揄揚著於後嗣抑亦雅頌之亞也故孝成之世論而錄之蓋奏御者千有餘篇而後大漢之文章炳焉與三代同風日大遒有夷隆學有麤密因時而建德者不以遠近易則故臯陶歌虞奚斯頌魯同見采於孔氏列於詩書其義也稽之上古則如彼考之漢室又如此斯事雖細然先臣之舊式國家之遺美不可闕也臣竊見海內清平朝廷無事京師修宮室浚城隍而起苑囿以備制度西土耆老咸懷怨思冀上之瞻顧而盛稱長安舊制有陋洛邑之議故臣作兩都賦以極衆人之所眩耀折以今之法度辭曰

西都賦

有西都賓問於東都主人曰蓋聞皇漢之初經營也嘗有意乎都河洛矣輟而弗康寔用西遷作我上都主人聞其故而覩其制乎主人曰未也願賓摠懷舊之蓄念發思古之幽情博我以皇道弘我以漢京賓曰唯唯漢之西都在於雍州寔曰長安左據函谷二嶠之阻表以太華終南之山右界褒斜隴首之險帶以洪河涇渭之川歟流之隈沔浦其西華實之毛則九州之上腴焉防禦之阻則天地之隩區焉是故橫被六合三成帝畿周以龍興秦以虎視及至大漢受命而都之也仰悟東井之精俯協河圖之靈奉春建策留侯演成天人合應以發皇明乃眷西顧寔惟作京於是瞻秦嶺瞰北阜挾

灑灑據龍首圖皇基於億載度宏規而大起肇自高而終平
世增飾以崇麗歷十二之延祚故窮泰而極侈建金城之萬
雉呀周池而成淵披三條之廣路立十二之通門內則街衢
洞達閭閻且千九市開場貨別隧分人不得顧車不得旋闐
城溢郭旁流百廛紅塵四合煙雲相連於是既庶且富娛樂
無疆都人士女殊異乎五方遊士擬於公侯列肆侈於姬姜
鄉曲豪舉遊俠之雄節慕原嘗名亞春陵連交合眾騁驚乎
其中若乃觀其四郊浮遊近縣則南望杜霸北眺五陵名都
對郭邑居相承英俊之域級冕所興冠蓋如雲七相五公與
乎州郡之豪傑五都之貨殖三選七遷充奉陵邑蓋以強幹
弱枝隆上都而觀萬國也封畿之內厥土千里卓犖諸夏兼

其所有其陽則崇山隱天幽林窮谷陸海珍藏藍田美玉商
洛緣其隈鄠杜濱其足源泉灌注陂池交屬竹林果園芳草
甘木郊野之富號爲近蜀其陰則冠以九巖陪以甘泉乃有
靈宮起乎其中秦漢之所極觀淵雲之所頌歎於是乎存焉
下有鄭曰之沃衣食之源提封五萬疆場綺分溝塍刻鏤原
隰龍鱗決渠降雨荷插成雲五穀垂穎桑麻鋪棗東郊則有
通溝大漕潰渭洞河泛舟山東控引淮湖與海通波西郊則
有上圃禁苑林麓藪澤陂池連乎蜀漢緣以周牆四百餘里
離宮別館三十六所神池靈沼往往而在其中乃有九真之
麟大宛之馬黃支之犀條枝之鳥隄崑崙越巨海殊方異類
至於三萬里其宮室也體象乎天地經緯乎陰陽據坤靈之

正位放大紫之圓方樹中天之華闕豐冠山之朱堂因瓌材
而究奇抗應龍之虹梁列芬楹以布翼荷棟桴而高驥雕玉
璵以居楹裁金壁以飾璫發五色之渥彩光焰朗以景彰於
是左城右平重軒三階闈房周通門闕洞開列鐘虞於中庭
立金人於端闈仍增崖而衡闕臨峻路而啓屏狗以離宮別
寢承以崇臺間館煥若列宿紫宮是環清涼宜溫神仙長年
金華玉堂白虎麒麟區宇若茲不可殫論增盤崔嵬登降炤
爛殊形詭制每各異觀乘茵步輦惟所息宴後宮則有掖庭
椒房后妃之室合歡增城安處常寧若椒風披香發越蘭
林蕙草鴛鴦飛翔之列昭陽特盛隆於孝成屋不呈材牆不
露形衰以藻繡絡以綸連隨侯明月錯落其間金釭銜壁是

總計及

爲列錢翡翠火齊流耀含英懸黎垂棘夜光在焉於是玄輝
卸砌玉階彤庭硬碱綵綴琳珉青焚珊瑚碧樹周阿而生紅
羅颯纏綺組繽紛精曜華燭俯仰如神後宮之號十有四位
窈窕繁華更盛迭貴處乎斯列者蓋以百數左右庭中朝堂
百寮之位蕭曹魏邴謀謨乎其上也佐命則垂統輔翼則成化
流大漢之愷悌盪亡秦之毒螫故令斯人揚樂和之聲作畫
一之歌功德著乎祖宗膏澤洽乎黎庶右有天祿石渠典籍
之府命夫惇誨故老各儒師傅講論乎六藝稽合乎同異又
有承明金馬著作之庭大雅宏達於茲爲羣元元本本殫見
洽聞啓發篇章披理祕文周以鉤陳之位衛以嚴更之署總
禮官之甲科羣百郡之廉孝虎賁贅衣闈尹闈寺陞戟百重

各有典司。周廬千列。微道綺錯。輦路經營。脩除飛閣。自未央而連桂宮。北彌明光。而亘長樂。陵塏道而超西墉。混建章而麗巧。而聳擢張千門。而立萬戶。順陰陽以開闔。爾乃正殿崔嵬。層構厥高。臨乎未央。經駘盪而出。馭娑洞杵。詣以與天梁。上反宇以蓋戴。激日景而納光。神明鬱其特起。遂偃蹇而上。躋軼雲雨於太半。虹霓迴帶於焚楣。雖輕迅與標狡。猶愕眙而不能階攀。井幹而未半。目眩轉而意迷。捨櫺檻而却倚。若顛墜而復稽。竄恍恍以失度。巡迴塗而下。低旣懲懼於登望。降周流以徬徨。步甬道以縈紆。又杳窅而不見。陽排飛闥而上。出若遊目於天表。似無依而洋洋。前唐中而後太液。覽滄

始陽

海之湯湯。揚波濤於碣石。激神嶽之嵒嶒。濫瀛洲與方壺。蓬萊起乎中央。於是靈草冬榮。神木叢生。巖峻嶒嶒。金石呼嘯。抗仙掌以承露。擢雙立之金莖。軼埃壒之混濁。鮮頤氣之清英。騁文成之不誕。馳五利之所刑。庶松喬之羣類。時遊從乎斯庭。實列仙之攸館。非吾人之所寧。爾乃盛娛遊之壯觀。奮秦武乎上囿。因茲以威戎。夸狄耀威靈。而講武事。命荊州使起鳥詔。梁野而驅獸。毛羣內闐。飛羽上覆。接翼側足。集禁林而屯聚。水衡虞人。修其營表。種別羣分部。曲有署。罽網連絃。籠山絡野。列卒周匝。星羅雲布。於是乘鑿輿。備法駕。帥羣臣。披飛廉。入苑門。遂繞鄴鄙。歷上蘭。六師發逐。百獸駭。彈震震。燐燐雷奔。電激草木。塗地山淵。反覆蹂躪。其十一二三。乃切怒。

而少息。爾乃期門飲飛，列刃攢鏃，要蹙追蹤。鳥驚觸絲，獸駭
值鋒。機不虛荷，弦不再控。矢不單殺，中必疊雙。颯颯紛紛，增
繳相纏。風毛雨血，灑野蔽天。平原赤勇，士厲發狻。失木豺狼
懾竄，爾乃移師趨險。竝蹈潛穢，窮虎奔突。狂兇觸蹶，許少施
巧。秦成力折，荷標投扼。猛噬脫角，挫脰徒搏。獨殺挾師，豹拖
熊螭。曳犀犛頓象，罷超洞壑。越峻岨，蹶岨巖。巨石頽松栢，仆
叢林。摧草木無餘，禽獸殄夷。於是天子乃登屬玉之館，歷長
楊之樹，覽山川之體勢，觀二軍之殺獲。原野蕭條，目極四裔。
禽相鎮壓，獸相枕藉。然後收禽會衆，論功賜胙。陳輕騎以行，
魚騰酒車，以斟酌。割鮮野食，舉烽命爵。饗賜畢，勞逸齊。大輅
鳴鑿容與，徘徊集乎豫章之宇。臨乎昆明之池，左牽牛而右

織女似雲漢之無涯。茂樹蔭蔚，芳草被隄。蘭苕發色，擘擘猗
猗。若摘錦與布繡，燭耀乎其岐。鳥則玄鶴白鷺，黃鸝鸚鵡。鶻
鷂鵝鶩，鳧鷖鴻鴈。朝發河海，夕宿江漢。沈浮往來，雲集霧散。
於是後宮乘輶輅，登龍舟。張鳳蓋，建華旗。祛黼帷，鏡清流。靡
微風澹淡，浮櫂女謳鼓吹。震聲激越，管厲天鳥。羣翔魚窺淵，
招白鷗。下雙鷗，掄文竿。出比目，撫鴻暈。御矰繳，方舟並驚。僊
仰極樂，遂乃風舉雲搖，浮遊溥覽。前乘秦嶺，後越九峻。東薄
河華，西涉岐雍。宮館所歷，百有餘區。行所朝夕，儲不改供。禮
上下而接山川，究休佑之所用。采遊童之歡謠，第從臣之嘉
頌。於斯之時，都都相望。邑邑相屬，國籍十世之基。家承百年
之業。士食舊德之名氏，農服先疇之畝。畝商脩族世之所嚮。

工用高曾之規矩。粲乎隱隱，各得其所。若臣者，徒觀迹於舊墟，聞之乎故老，十分未得其一端，故不能徧舉也。

東都賦

東都主人喟然而歎曰：痛乎！風俗之移人也。子實秦人，矜誇館室，保界河山，信識昭襄，而知始皇矣。焉覩大漢之云爲乎？夫大漢之開元也，奮布衣以登皇位，由數朞而創萬代，蓋六籍所不能談，前聖靡得而言焉。當此之時，功有橫而當天，討有逆而順民，故婁敬度勢而獻其說，蕭公權宜而拓其制。時豈泰而安之哉？計不得以已也。吾子曾不是睹，顧曜後嗣之未造，不亦暗乎？今將語子以建武之治，永平之事，監於太清，以變子之惑志。往者王莽作逆，漢祚中缺，天人致誅，六合相

滅。于時之亂，生民幾亡，鬼神泯絕，壑無完柩，邪罔遺室，原野厭人之肉，川谷流人之血。秦項之災，猶不克半。書契以來，未之或紀。故下人號而上訴，上帝懷而降監，乃致命乎聖皇。於是聖皇乃握乾符，闡坤珍，披皇圖，稽帝文，赫然發憤，應若興雲，霆擊昆陽，憑怒雷震，遂超大河，跨北嶽，立號高邑，建都河洛，紹百王之荒屯，因造化之盪滌，體元立制，繼天而作。系唐統，接漢緒，茂育羣生，恢復疆宇，勳兼乎在昔，事勤乎三五。豈特方軌竝跡，紛紛后辟，治近古之所務，蹈一聖之險易云爾。且夫建武之元，天地革命，四海之內，更造夫婦，肇有父子，君臣初建，人倫寔始。斯乃伏羲氏之所以基皇德也，分州土立市朝，作舟輿，造器械，斯乃軒轅氏之所以開帝功也。龔行天

罰應天順人斯乃湯武之所以昭王業也遷都改邑有殷宗
中興之則焉卽土之中有周成隆平之制焉不階尺土一人
之柄同符乎高祖克已復禮以奉終始允恭乎孝文憲章稽
古封岱勒成儀炳乎世宗按六經而投德眇古昔而論功仁
聖之事既該而帝王之道備矣至於永平之際重熙而累洽
盛三雍之上儀修袞龍之法服鋪鴻藻信景鑠揚世廟正雅
樂神人之和允洽羣臣之序既肅乃動大輅遵皇衢省方巡
狩窮覽萬國之有無考聲教之所被散皇明以燭幽然後增
周舊修洛邑扇巍巍顯翼翼光漢京於諸夏總八方而爲之
極是以皇城之內宮室光明闕庭神麗奢不可踰儉不能侈
外則因原野以作苑塹流泉而爲沼發蘋藻以潛魚豐圃草

以毓獸制同乎梁鄒誼合乎靈囿若乃順時節而蒐狩簡車
徒以講武則必臨之以王制考之以風雅歷騶虞覽駟騏嘉
車攻采吉日禮官整儀乘輿乃出於是發鯨魚鑿率鐘登玉
輅乘時龍鳳蓋焚麇餘鑿玲瓏天官景從寢威威容山靈護
野屬御方神雨帥泛灑風伯清塵千乘雷起萬騎紛紜元戎
竟野戈鋌彗雲羽旄掃霓旌旗拂天焱焱炎揚光飛文吐
爛生風欲野歎山日月爲之奪明丘陵爲之搖震遂集乎中
囿陳師案屯駢部曲列校隊勒三軍誓將帥然後舉烽伐鼓
申令三驅輕車霆激驍騎電驚由基發射范氏施御弦不睨
禽鸞不詭遇飛者不及翔走者不及去指顧倏忽獲車已實
樂不極盤殺不盡物馬踈餘足士怒未浚先驅復路屬車按

節於是薦三犧效五牲禮神祇懷百靈觀明堂臨辟雍揚緝
熙宣皇風登靈臺考休徵俯仰乎乾坤參象乎聖躬日中夏
而布德瞰四裔而抗稜西溢河源東澹海濬北動幽崖南曜
朱垠殊方別區界絕而不鄰自孝武之所不征孝宣之所未
臣莫不陸讐水慄奔走而來賓遂綏哀牢開永昌春王三朝
會同漢京是日也天子受四海之圖籍膺萬國之貢珍內撫
諸夏外綏百蠻爾乃盛禮典樂供帳置乎雲龍之庭陳百寮
而贊羣后究皇儀而展帝容於是庭實千品旨酒萬鍾列金
罍班玉觴嘉珍御太牢饗爾乃食舉雍徹太師奏樂陳金石
布絲竹鐘鼓鏗鈞管絃擘煜抗五聲極六律歌九功舞八佾
韶武備泰古卑四夷間奏德廣所及傑休兜離因不具集萬

樂備百禮暨皇歡浹羣臣醉降烟熅調元氣然後撞鐘告罷
百僚遂退於是聖上親萬方之歡娛又沐浴於膏澤懼其侈
心之將萌而怠於東作乃申舊章下明詔命有司班憲度昭
節儉示太素去後宮之麗飾損乘輿之服御抑工商之淫業
興農桑之盛務遂令海內棄末而反本背僞而歸真女修織
紉男務耕耒器用陶匏服尚素玄耻纖美而不服賤奇麗而
不珍捐金於山沈珠於淵於是百姓滌瑕取盪穢而鏡至清形
神寂寞耳目不營嗜欲之源滅廉耻之心生莫不優游而自
得玉潤而金聲是以四海之內學校如林庠序盈門獻酬交
錯俎豆莘莘下舞上歌蹈德詠仁登降飮宴之禮既畢因相
與嗟歎玄德謙言弘說咸含和而吐氣頌曰盛哉乎斯世今

論者但知誦虞夏之書。詠殷周之詩。講義文之易。論孔氏之春秋。罕能精古今之清濁。究漢德之所由。唯子頗識舊典。又徒馳騁乎末流。溫故知新已難。而知德者鮮矣。且夫僻界西戎。險阻四塞。修其防禦。孰與處乎土中。平夷洞達。萬方輻輳。秦嶺九峻。涇渭之川。曷若四瀆五嶽。帶河沂洛。圖書之淵。建章甘泉。館御列仙。孰與靈臺明堂。統和天人。太液昆明。鳥獸之囿。曷若辟雍海流。道德之富。游俠踰侈。犯義侵禮。孰與同履法度。翼翼濟濟。子徒習秦阿房之造天。而不知京洛之有制。識函谷之可關。而不知王者之無外。主人之辭未終。西都賓。豐然失容。逡巡降階。揅然意下。捧手欲辭。主人曰。復位。今將授子五篇之詩。賓既卒業。乃稱曰。美哉乎斯詩。義正乎揚

雄事實乎相如。匪唯主人之好學。蓋乃遭遇乎斯時。小子狂簡。不知所裁。既聞正道。請終身而誦之。其辭曰

明堂詩

於昭明堂。明堂孔陽。聖皇宗祀。穆穆煌煌。上帝宴饗。五位時序。誰其配之。世祖光武。普天率土。各以其職。猗歟緝熙。允懷多福。

辟雍詩

乃流辟雍。辟雍湯湯。聖皇莅止。造舟爲梁。皤皤國老。乃父乃兄。抑抑威儀。孝友光明。於赫太上。示我漢行。洪化唯神。永觀厥成。

靈臺詩

乃經靈臺靈臺既崇帝勤時登爰考休徵三光宣精五行布
序習習祥風祁祁甘雨百穀蓁蓁庶草蕃蕪屢惟豐年於皇
樂膏

寶鼎詩

嶽修貢兮川效珍吐金景兮歆浮雲寶鼎見兮色紛紜煥其
炳兮被龍文登祖廟兮享聖神昭靈德兮彌億年

白雉詩

啟靈篇兮披瑞圖獲白雉兮效素鳥嘉祥阜兮集皇都發皓
羽兮奮翹英容潔朗兮於淳精彰皇德兮侔周成永延長兮
膺天慶

西京賦

張衡

有憑虛公子者心參體忼雅好博古學乎舊史氏是以多識
前代之載言於安處先生曰夫人在陽時則舒在陰時則慘
此率乎天者也處沃土則逸處瘠土則勞此繫乎地者也慘
則勦於歡勞則褊於惠能違之者寡矣小必有之大亦宜然
故帝者因天地以致化兆民承上教以成俗化俗之本有與
推移何以覈諸秦據雍而強周卽豫而弱高祖都西而秦光
武處東而約政之興衰常由此作先生獨不見西京之事歟
請爲吾子陳之漢氏初都在渭之涘秦里其朔寔爲咸陽左
有峭函重險桃林之塞綴以二華巨靈鼉負高掌遠蹠以流
河曲厥跡猶存右有隴坻之隘隔閔華戎岐梁汧雍陳寶鳴
雞在焉於前則終南太一隆崛崔嵬嶰嶰鬱律連岡乎嶓冢

抱杜含鄠飲灑吐鎬爰有藍田珍玉是之自出於後則高陵
平原據涓踞涇澶漫靡迤作鎮於近其遠則有九峻甘泉涸
陰沍寒日北至而含凍此焉清暑爾乃廣衍沃野厥田上上
寔爲地之奧區神臯昔者大帝悅秦繆公而覲之饗以鈞天
廣樂帝有醉焉乃爲金策錫用此土而翦諸鶉首是時也竝
爲強國者有六然而四海同宅西秦豈不詭哉自我高祖之
始入也五緯相汁以旅於東井婁敬委輅幹非其議天啓其
心人基之謀及帝圖時意亦有慮乎神祇宜其可定以爲天
邑豈伊不虔思於天衢豈伊不懷歸於枌榆天命不滔疇敢
以渝於是量徑輪考廣袤經城洫營郭郭取殊裁於八都豈
稽度於往舊爾乃覽秦制跨周法狹百堵之側陋增九筵之

迫脅正紫宮於未央表蕘闕於闐闔疏龍首以抗殿狀鬼戕
以岌業且雄虹之長梁結焚棟以相接帶倒茄於藻井披紅
葩之狎獵飾萃椽與璧璫流景曜之曄曄彫楹玉礪繡栴雲
楣三階重軒鏤檻文槐右平左城青瑣丹墀刊層平堂設切
厓隙坻嶠鱗胸棧嶮嶮嶮嶮嶮嶮嶮嶮嶮嶮嶮嶮嶮嶮嶮嶮嶮
宄是防仰福帝居陽曜陰藏洪鐘萬鈞猛虞趙趙負筍業而
餘怒乃奮翅而騰驤朝堂承東溫調延北西有玉臺聯以昆
德差哉建業罔識所則若夫長年神仙宣室玉堂麒麟朱鳥
龍興含章譬衆星之環極叛赫戲以輝煌正殿路寢用朝羣
辟大厦耽耽九戶開闢嘉木樹庭芳草如積高門有閑列坐
金狄內有常侍謁者奉命當御外有蘭臺金馬遮宿迭居次

有天祿石渠校文之處。畫以虎威章溝嚴更之署。微道外周
千廬內附。衛尉八屯警夜。巡晝植銀。懸殿用成。不虞後宮則
昭陽飛翔。增成合歡。蘭林披香。鳳凰鴛鴦。羣窈窕之華麗。嗟
內顧之所觀。故其館室次舍。采飾織綉。裊以藻繡文。以朱綠
翡翠火齊。絡以美玉。流懸黎之夜光。綴隨珠以爲燭。金卮玉
階。彤庭輝輝。珊瑚琳碧。璵玕璠玢。彬珍物羅生。煥若崑崙。雖厥
裁之不廣。侈靡踰乎至尊。於是鉤陳之外。閣道穹隆。屬長樂
與明光。徑北通于桂宮。命般爾之巧匠。盡變態乎其中。於是
後宮不移。樂不徙。懸門衛供帳。官以物辦。恣意所幸。下輦成
燕。窮年忘歸。猶弗能徧。瑰異日新。殫所未見。惟帝王之神麗。
懼尊卑之不殊。雖斯宇之既坦。心猶懸而未據。思比象於紫

微恨阿房之不可。廬覩往昔之遺館。獲林光於秦餘。處甘泉
而爽塏。乃隆崇而弘敷。旣新作於迎風。增露寒與儲胥。託喬
基於山岡。直帶寬以高居。通天諒以竦峙。徑百常而莖擢。上
辨華以交紛。下刻削其若削。翔鸞仰而弗逮。况青鳥與黃雀
伏櫺檻而頻聽。聞雷霆之相激。柏梁旣災。越巫陳方。建章是
經。用厭火祥。管宇之制。事兼木央。闕闕竦以造天。若雙碣之
相望。鳳騫翥於薨標。咸遡風而欲翔。閭闔之內。別風噍噍。何
工巧之瑰瑋。交綺豁以疏寮。干雲霧而上達。狀亭亭以岌岌。
神明崛其特起。井幹疊而百增。峙遊極於浮柱。結重欒以相
承。累層構而遂濟。望北辰而高興。消雰埃於中宸。集重陽之
清澂。瞰宛虹之長鬐。察雲帥之所憑。上飛闥而仰眺。正覩瑤

光與玉繩將乍往而未半休悼慄而聳兢非都盧之輕趨孰
能超而究升馭夢駘盪燾昇枯桀杓詣承光睽戾序豁增杼
重芬錫列列反宇業業飛檐轆轤流景內照引曜日月天
梁之宮寔開高闈旗不脫肩結駟方斬揀輻輳容於一扉
長廊廣廡連閣雲蔓開庭詭異門千戶萬重閨幽闥轉相逾
延望窈窕以徑廷眇不知其所返既乃珍臺蹇產以極壯澄
道邈倚以正東似閩風之返坂橫西瀉而絕金墉城尉不弛
柝而內外潛通前開唐中擗望廣濶顧臨太液滄池滌沆漸
臺立於中央赫眈眈以弘敞清淵洋洋神山峩峩列瀛洲與
方丈夾蓬萊而駢羅上林岑以巒巖下嶺巖以崑崙長風激
於別隄起洪濤而揚波浸石齒於重涯濯靈芝以朱柯海若

游於玄渚鯨魚失流而蹉跎於是采少君之端信庶樂大之
貞固立修葺之仙掌承雲表之清露屑瓊藥以朝餐必性命
之可度美往昔之松喬要羨門乎天路想升龍於鼎湖豈時
俗之足慕若歷世而長存何遽營乎陵墓徒觀其城郭之制
則旁開三門參塗夷庭方軌十一一街衢相經塵里端直薨宇
齊平北闕甲第當道直啓程巧致功期不墮陔木衣絳錦土
被朱紫武庫禁兵設在蘭綺匪石匪董疇能宅此爾乃廓開
九市通闈帶闈旗亭五重俯察百隧周制大胥今也惟尉瓌
貨方至鳥集鱗萃鬻者兼贏求者不置爾乃商賈百族禪販
夫婦鬻良雜苦蚩眩邊鄙何必昏於作勞邪羸優而足恃彼
肆人之男女麗美奢乎許史若夫翁伯濁質張里之家擊鐘

鼎食連騎相過東京公侯壯何能加都邑遊俠張趙之倫齊
志無忌擬跡田文輕死重氣結黨連羣寔蕃有徒其從如雲
茂陵之原陽陵之朱趨悍虓豁如虎如貓睚眦叢芥屍僵路
隅丞相欲以贖子罪陽石汚而公孫誅若其五縣遊麗辯論
之士街談巷議彈射臧否剖析毫釐摩肌分理所好生毛羽
所惡成瘡痂郊甸之內鄉邑殷賑五都貨殖既遷既引商旅
聯榻隱隱展展冠帶交錯方轅接軫封畿千里統以京尹郡
國宮館百四十五右極盤屋并卷鄠鄂左暨河華遂至號土
上林禁苑跨谷彌阜東至鼎湖斜界細柳掩長楊而聯五柞
繞黃山而款牛首繚垣縣聯四百餘里植物斯生動物斯止
衆鳥翩翩羣獸駉駉散似驚波聚似京峙伯益不能名隸首

不能紀林麓之饒于何不有木則樅栝檉梓檟榎楓嘉卉
灌叢蔚若鄧林鬱蒼菱葍葍棟夾櫛慘吐葩颺榮布葉垂陰草
則葳蕤菅蒯微蕨荔芡王芻蒟臺戎葵懷羊棗蓴蓬葍爾臯
被岡篠簞敷衍編町成篁山谷原隰泱泱無疆迺有昆明靈
沼黑水玄泄周以金堤樹以柳杞豫章珍館揭焉中峙牽牛
立其左織女處其右日月於是乎出入象扶桑與濛汜其中
則有鼉鼉巨鼈鱣鯉鰓鮪鮓鮠鮓鮓脩額短項大口折鼻詭
類殊種鳥則鸚鵡鳩鴉鴉鴉鸚鵡鸚鵡上春候來季秋就溫南翔
衡陽北棲鴈門奮隼歸鳧沸卉研訇衆形殊聲不可勝論於
是孟冬作陰寒風肅殺雨雪飄飄冰霜慘烈百卉具零剛蟲
搏執爾乃振天維衍地絡蕩川瀆簸林薄鳥畢駭獸咸作草

伏木棲寓居穴託起彼集此霍繹紛泊在彼靈囿之中前後
無有垠鏗虞人掌焉爲之營域焚萊平場柞木翦棘結旨百
里遠杜踐塞鹿鹿麋麋駢田偪仄天子乃駕雕軫六駿駁載
翠帽倚金較璿弁玉纓遺光儵燿建玄弋樹招搖棲鳴爲曳
雲梢弧旌柱矢虹旃蜺旄華蓋承辰天畢前驅千乘雷動萬
騎龍趨屬車之遙載狻猊獠匪惟翫好廼有秘書小說九百
本自虞初從容之求寔俟寔儲於是蚩尤秉鉞奮鬣被般禁
禦不若以知神姦魑魅蝸蝸莫能逢旃陳虎旅於飛廉正壘
壁乎上蘭結部曲整行伍燎京新馘雷鼓縱獵徒赴長莽迺
卒清候武士赫怒緹衣韎韐睚眦拔尾光炎燭天庭譟聲震
海浦河渭爲之波盪吳嶽爲之阨堵百禽悽遽駭瞿奔觸喪

精亡鬼失歸忘趨投輪關輻不邀自遇飛呷瀟飈流鏑撻搽
矢不虛舍劍不荷躍當足見踈值輪被轢僵禽斃獸爛若積
礫但觀且羅之所縉結竿受之所捏畢又族之所攬捫徒搏
之所撞秘白日未及移晷已彌其十七八若夫遊鶴高翬絕
阮踰斥甕兔聯袂陵巒超壑比諸東郭莫之能獲乃有迅羽
輕足尋景追括鳥不暇舉獸不得發青散擊於韞下韓盧噬
於絲末及其猛毅鬚鬚隅目高睚威懾兕虎莫之敢仇乃使
中黃之士育獲之儔朱鬣鬣植髮如竿袒裼戟手奎踞盤
桓鼻赤象圈巨挺墟狒狒批獫狁措枳落突棘藩梗林爲之
靡拉櫟叢爲之摧殘輕銳僥倖趨捷之徒赴洞穴探封狐陵
重嶽獵昆駮杪木末獲獬狢超殊榛帶飛騰是時後宮嬖人

昭儀之倫常亞於乘輿慕賈氏之如臯樂北風之同車盤于
遊畋其樂只且於是鳥獸殫目觀窮遷延邪睨集乎長場之
宮息行夫展車馬收禽舉爵數課衆寡置互擺牲頒賜獲鹵
割鮮野饗犒勤賞功五軍六師千列百重酒車酌醴方駕授
養升觴舉燧旣酬鳴鐘膳夫馳騎察貳廉空炙魚鯉清醑致
皇恩溥洪德施徒御悅士忘罷巾車命駕廻旆右移儀伴乎
五柞之館旋憩乎昆明之池登豫章簡增紅蒲且發弋高鴻
挂白鶴聯飛龍磻不特絳往必加雙於是命舟牧爲水嬉浮
鷁首翳雲芝垂翟葆建羽旗齊棹女縱權歌發引和投鳴葦
奏淮南度陽阿感河馮懷湘娥驚蜩蛸憚蚊蛇然後釣魴鱧
纒鰓鮒撫紫貝搏耆龜搯水豹鬣潛牛澤虞是濫何有春秋

擿溲解搜川瀆布九設罟罾麗擗鯉魴珍水族藻藕拔蜃蛤
剝逞欲畋斂效獲麋麋摻參洋浪乾池滌藪上無逸飛下無
遺走搜胎拾卵蚘螺盡取取樂今日遑恤我後旣定且寧焉
知傾陔大駕幸乎平樂之館張甲乙而襲翠被攢珍寶之玩
好紛瑰麗以參靡臨迥望之廣場程角觝之妙戲鳥獲扛鼎
都盧尋橦衝狹鷲濯胃突鈿鋒跳丸劍之揮霍走索上而相
逢萃嶽峩峩岡巒參差神木靈草朱實離離總會仙倡戲豹
舞羆白虎鼓瑟蒼龍吹篴女娥坐而長歌聲清暢而蛟蛇洪
涯立而指麾被毛羽而翟襪度曲未終雲起雪飛初若飄飄
後遂霏霏復陸重閣轉石成雷磳磳激而增響磅礚象乎天
威巨獸百尋是爲蔓延神山崔巍欻從背見熊虎升而擎攫

獲狄超而高援。惟獸陸梁。大雀踐踐。白象行。孕垂鼻。麟輶海
鱗變而成龍。狀踔踔以蠕蠕。舍利颯颯。化爲仙車。驪駕四鹿。
芝蓋九葩。蟾蜍與龜。水人弄蛇。奇幻儵忽。易貌分形。吞刀吐
火。雲霧杳冥。晝地成川。流涓通涇。東海黃公。赤刀粵祝。冀厭
白虎。卒不能救。挾邪作蠱。於是不售。爾乃建戲車。樹修旃。倏
僮逞材。上下翩翩。突倒投而跟。絳譬殞絕。而復聯百馬。同轡
騁足並馳。撞未之伎。態不可彌。彎弓射乎西羌。又顧發乎鮮
卑。於是衆變盡心。醒醉盤樂。極悵懷萃。陰戒期門。微行要屈
降尊就卑。懷壘藏紱。便旋閭閻。周觀郊遂。若神龍之變化。彰
后皇之爲貴。然後歷掖庭。適歡館。捐衰色。從燕婉。促中堂之
隘坐。羽觴行而無算。祕舞更奏。妙材騁伎。妖蠱豔夫。夏姬美

聲暢於虞氏。始徐進而羸形。似不任乎羅綺。嚼清商而却轉。
增嬋娟以此。豸紛縱體而迅赴。若驚鶴之羣。羆振朱履於盤
樽。奮長袖之颯。纏要紹修態。麗服颺菁。昭貌流盼。一顧傾城。
展季桑門。誰能不營。列爵十四。競媚取榮。盛衰無常。惟愛所
丁。衛后興於鬢髮。飛燕寵於體輕。爾乃逞志究欲。窮身極娛。
鑒戒唐詩。他人是媮。自君作故。何禮之拘。增昭儀於婕妤。賢
既公而又侯。許趙氏以無上。思致董於有虞。王閔爭於坐側。
漢載安而不渝。高祖創業。繼體承基。誓勞永逸。無爲而治。耽
樂是從。何慮何思。多歷年所。二百餘暮。徒以地沃野豐。百物
殷阜。險周固襟帶。易守得之者。強據之者。久流長則難竭。
抵深則難朽。故奢泰肆情。而馨烈彌茂。鄙生生乎三百之外。

傳聞於未聞之者。曾髣髴其若夢。未一隅之能覩。此何與於
殷人。屢遷前八。而後五。居相圯。耿不常。厥土盤庚。作誥帥人。
以苦。方今聖上。同天號于帝皇。掩四海。而爲家富有之業。莫
我大也。徒恨不能以靡麗爲國華。獨儉嗇以齷齪忘蟋蟀之
謂。何豈欲之而不能將能之。而不欲歟。蒙竊惑焉。願聞所以
辯之之說也。

東京賦

張衡

安處先生於是似不能言者。憮然有間。乃莞爾而笑曰。若客
所謂。未學膚受。貴耳而賤目者也。苟有胸而無心。不能節之
以禮。宜其陋今而榮古矣。由余以西戎孤臣。而慳穆公於宮
室。如之何其以溫故。知新。研覈是非。近於此惑。周姬之末不

能厥政。政用多僻。始於宮鄰。卒於金虎。虜氏搏翼。擇肉西邑。
是時也。七雄竝爭。競相高以奢麗。楚築章華於前。趙建叢臺
於後。秦政利觜長距。終得擅場。思專其侈。以莫已若。乃構阿
房。起甘泉。結雲閣。冠南山。征稅盡人力。殫然後收。以太半之
賦。威以參夷之刑。其遇民也。若雉氏之芟草。旣蘊崇之。又行
火焉。慄慄黔首。豈徒踟高天。踳厚地而已哉。乃救死於其頸。
歐以就役。唯力是視。百姓不能忍。是用息肩於大漢。而欣戴
高祖。高祖膺籙受圖。順天行誅。杖朱旗而建大號。所推必亡
所存必固。掃項軍於垓下。繼子嬰於軹塗。因秦宮室。據其府
庫。作洛之制。我則未暇。是以西匠營宮。日翫阿房。規摹踰溢。
不度不臧。損之又損。然尚過於周堂。觀者狹而謂之陋。帝已

譏其泰而弗康。且高既受命，建家造我區夏矣。文又躬自菲薄，治致升平之德。武有大啟土宇，紀禪肅然之功。宣重威以撫和戎狄，呼韓來享，咸用紀宗存主，饗祀不輟。銘勳彝器，歷世彌光。今捨純懿而論爽德，以春秋所諱而爲美談，宜無嫌於往初。故蔽善而揚惡，祇君子之不知言也。必以肆奢爲賢，則是黃帝合宮，有虞總期，固不如夏癸之瑤臺，殷辛之瓊室也。湯武誰革，而用師哉？蓋亦覽東京之事，以自寤乎。且夫天子有道，守在海外，守位以仁，不恃隘害。苟民志之不諒，何云巖險與襟帶？秦負阻於二關，卒開項而受沛，彼偏據而規小，豈如宅中而圖大？昔先王之經邑也，掩觀九隄，靡地不營。土圭測景，不縮不盈，總風雨之所交，然後以建王城，審曲而勢。

泝洛背河，左伊右瀍，西阻九阿，東門于旋，盟津逢其後，太谷通其前，廻行道乎伊闕，邪徑捷乎轅轅，太室作鎮，揭以熊耳，底柱輟流，鐔以大呿，溫液湯泉，黑丹石緇，王鮪岫居，能鼈三趾，處妃攸館，神用挺紀，龍圖授義，龜書畀妣，召伯相宅，卜惟洛食，周公初基，其繩則直，萇弘魏舒，是廓是極，經途九軌，城隅九雉，度堂以筵，度室以几，京邑翼翼，四方所視，漢初弗之宅也。故宗緒中圯，巨猾間豐，竊弄神器，歷載三六，偷安天位，于時蒸民罔敢或貳，其取威也重矣。我世祖忿之，乃龍飛白水，鳳翔參墟，授鉞四七，共工是除，攬槍旬始，羣凶靡餘，區宇又寧。思和求中，睿哲玄覽，都茲洛宮，日止日時，昭明有融，既光厥武，仁洽道豐，登岱勒封，與黃比崇，逮至顯宗，六合殷昌。

乃新崇德。遂作德陽。啟南端之特闈。立應門之將將。昭仁惠於崇賢。抗義聲於金商。飛雲龍於春路。屯神虎於秋方。建象魏之兩觀。旌六典之舊章。其內則含德章臺。天祿宣明。溫飭迎春。壽安永寧。飛閣神行。莫我能形。濯龍芳林。九谷八溪。芙蓉覆水。秋蘭被涯。渚戲躍魚。淵游龜螭。永安離宮。脩竹冬青。陰池幽流。玄泉冽清。鷓鴣秋棲。鶉鴝春鳴。睢鳩麗黃。關關嚶嚶。於南則前殿雲臺。餘驩安福。諺門曲榭。邪阻城洫。奇樹珍果。鉤盾所職。西登少華。亭候修勅。九龍之內。寔曰嘉德。西南其戶。匪雕匪刻。我后好約。乃宴斯息。於東則洪池清籟。淥水澹澹。內阜川禽。外豐葭菼。獻鱉蟹與龜魚。供螭蠃與菱芡。其西則有平樂都場。示遠之觀。龍雀蟠蜿。天馬半漢。瑰異譎詭。

燦爛炳煥。奢未及侈。儉而不陋。規遵王度。動中得趣。於是觀禮禮舉。義具經始。勿亟成之。不日猶謂爲之者勞。居之者逸。慕唐虞之茅茨。思夏后之卑室。乃營三宮。布政頌常。復廟重屋。八達九房。規天矩地。授時順鄉。造舟清池。惟水泱泱。左制辟雍。右立靈臺。因進距衰。表賢簡能。馮相觀禋。祈禱禳災。於是孟春元日。羣后旁戾。百僚師師。于斯胥洎。藩國奉聘。要荒來質。具惟帝臣。獻琛執贄。當覲於殿下者。蓋數萬以二爾。乃九賓重臚。人列崇牙。張鏞鼓設。郎將司階。虎戟交鐸。龍輅充庭。雲旗拂霓。夏正三朝。庭燎哲哲。撞洪鐘。伐靈鼓。旁震八鄙。軒轅隱旬。若疾霆轉雷。而激迅風也。是時稱警蹕。已下彫輦。於東。相冠通天。佩玉璽。紆皇組。要干將。負斧辰。次席紛純。左

右玉几穆穆而南面以聽矣然後百辟乃入司儀辨等尊卑以班璧羔皮帛之贄既奠天子乃以三揖之禮禮之穆穆焉皇皇焉濟濟焉將將焉信天下之壯觀也乃羨公侯卿士登自東除訪萬機詢朝政勤恤民隱而除其害人或不得其所若已納之於隍荷天下之重任匪怠皇以寧靜發京倉散禁財資皇僚逮輿臺命膳夫以大饗饗餼浹乎家陪春醴惟醇燔炙芬芬君臣歡康具醉薰薰千品萬官已事而踐勤屢省懋乾乾清風協於玄德醇化通於自然憲先靈以齊軌必三思以顧愆招有道於仄陋聞敢諫之直言聘丘園之耿潔旅束帛之芟芟上下通情式宴且盤及將祀天郊報地功祈福乎上玄思所以爲虔肅肅之儀盡穆穆之禮殫然後以獻精

誠奉禋祀曰允矣天子者也乃整法服正冕帶珩紕紘纒玉笄綦會火龍黼黻藻綽聲厲結飛雲之袷輅樹翠羽之高蓋建辰旒之太常紛焱悠以容裔六玄虬之弁弁齊騰驤而沛艾龍輶華轆金鏐鏤錫方銳左纛鉤膺玉璫鑿聲噦噦和鈴缺缺重輪貳轄疏轂飛軫羽蓋歲製葩瑤曲莖順時服而設副咸龍旂而繁纓立戈迤曼農輿輅木屬車九九乘軒並轂班琴重旃朱旌青屋奉引旣畢先輅乃發鸞旗皮軒通帛結旒雲罕九旂關戟轆轤聲髦被繡虎夫戴鷩駘承華之蒲梢飛流蘇之騷殺總輕武於後陳奏嚴鼓之嘈囂戎士介而揚揮戴金鉦而建黃鉞清道案列天行星陳肅肅習習隱隱鞞鞞未出平城闕旆已迴乎郊畛盛夏后之致美爰恭敬於

明神爾乃孤竹之管雲和之瑟雷鼓鬱鬱六變既畢冠萃秉翟列舞八佾元祀惟稱羣望咸秩颺燦燎之炎場致高煙乎太一神歆馨而顧德祚靈主以元吉然後宗上帝於明堂推光武以作配辨方位而正則五精帥而來摧尊赤氏之朱光四靈懋而允懷於是春秋改節四時迭代蒸蒸之心感物增思躬追養於廟祧奉蒸嘗與禴祠物牲辯省設其福衡毛魚豚胎亦有和羹滌濯靜嘉禮儀孔明萬舞奕奕鐘鼓喤喤靈祖皇考來顧來饗神具醉止降福穰穰及至農祥晨正土膏脉起乘鑾輅而駕蒼龍介馭間以剡耜躬三推於天田修帝籍之千畝供禘郊之粢盛必致思乎勤已兆民勸於疆場咸懋力以耘耔春日載陽合射辟雍設業設虞宮懸金鋪鼓鼓

路發樹羽幢幢於是備物物有其容伯夷起而相儀后夔坐而爲工張大侯制五正設三乏屏司旌并夾旣設儲乎廣庭於是皇輿夙駕輦於東階以須消啟明掃野霞登天光於扶桑天子乃撫玉輅時乘六龍發鯨魚鏗華鐘大丙弭節風后陪乘攝提運衡徐至於射宮禮事展樂物具王夏闕騶虞奏決拾旣次彫弓斯設逢餘萌於暮春昭誠心以遠喻進明德而崇業滌饗饗之食欲仁風行而外流誼方激而遐鷺日月會於龍豬恤民事之勞疚因休力以息勤致歡忻於春酒執鑿刀以祖割奉觴豆於國叟降至尊以訓恭送迎拜乎三壽敬慎威儀示民不偷我有嘉賓其樂愉愉聲教布濩盈溢天區文德旣昭武節是宣三農之隙耀威中原歲惟仲冬大閱

西園虞人掌馮光期戒事悉率百禽鳩諸靈囿獸之所同是
謂告備乃御小戎撫輕軒中畋四牡既佶且閑戈矛若林牙
旗繽紛迄于上林結徒爲營次和樹表司鐸授鉦坐作進退
節以軍聲三令五申示戮斬牲陳師鞠旅教達禁成火烈具
舉武士星敷鵠鶴魚麗箕張翼舒軌塵掩迹匪疾匪徐馭不
詭遇射不翦毛升獻六禽時膳四膏馬足未極輿徒不勞成
禮三毆解罟放麟不窮樂以訓儉不殫物以昭仁慕天乙之
弛罟因教祝以懷民儀姬伯之涓陽失熊羆而獲人澤浸昆
蟲威振八萬好樂無荒允文允武薄狩于教既瑣瑣焉岐陽
之蒐又何足數爾乃卒歲大難毆除羣癘方相秉鉞巫覡操
劔侖子萬童丹首玄製桃弧棘矢所發無臬飛礮雨散剛瘳

必斃煌火馳而星流逐赤疫於四裔然後凌天池絕飛梁捐
魑魅訶獠狂斬蛟蛇腦方良凶耕爰於清泠弱女魘於神潢
殘夔魑與罔象殪野仲而殲游光八靈爲之震懼况感與
畢方度朔作梗守以鬱壘神荼副焉對探索葦日察區陬司
執遺鬼京室密清罔有不肆於是陰陽交和庶物時育卜征
考祥終然允淑乘輿巡乎代嶽勸稼穡於原陸同衡律而一
軌量齊急舒於寒燠省幽明以黜陟乃反旆而廻復望先帝
之舊墟慨長思而懷古俟聞風而西遐致恭祀於高祖既春
游以發生啟諸蠶於潛戶度秋豫以收成觀豐年之多稔嘉
田峻之匪懈勤致賚于九扈左瞰暘谷右睨玄圃眇天末以
遠期規萬世而大摹且歸來以釋勞膺多福以安念總集瑞

命備致嘉祥。園林氏之騶虞。擾澤馬與騰黃。鳴女牀之鸞鳥。舞丹穴之鳳皇。植華平於春圃。豐朱草於中唐。惠風廣被。澤洎幽荒。北燠下。令南諧。越裳西包。大秦東過。樂浪重舌之人。九譯僉稽首而來。王是故論其遷邑。易京則同規乎殷盤。改奢卽儉。則合美乎斯干。登封降禪。則齊德乎黃軒。爲無爲事。無事永有民以孔安。遵節儉尚素樸。思仲尼之克已。履老氏之常足。將使心不亂。其所在日不見。其可欲。賤犀象。簡珠玉。藏金於山。抵璧於谷。翡翠不裂。璆璠不族。所貴惟賢。所寶惟穀。民去末而反本。咸懷忠而抱慤。于斯之時。海內同悅。曰。吁。漢帝之德馨。侯其禕而蓋。葦茨爲難。時也。故曠世而不覲。惟我后能植之。以至和平。方將數諸朝階。然則道胡不懷化。胡

不柔聲與風翔。澤從雲遊。萬物我賴。亦又何求。德寓天覆。輝裂光燭。狹三王之趨。越軼五帝之長驅。踵二皇之遐武。誰謂駕遲而不能屬。東京之懿未罄。值余有犬馬之疾。不能究其精詳。故粗爲賓言。其梗槩如此。若乃流遁忘反。放心不覺。樂而無節。後離其戚。一言幾於喪國。我未之學也。且夫挈筮之智。守不假器。况纂帝業而輕天位。瞻仰一祖。厥庸孔肆。常翹翹以危懼。若乘奔而無轡。白龍魚服。見困豫且。雖萬乘之無懼。猶怵惕於一夫。終日不離於輜重。獨微行其焉。如大君人者。韞纊塞耳。車中不內顧。珮以制容。鑿以節塗。行不變玉。駕不亂步。却走馬以糞車。何惜騶裊與飛兔。方其用財取物。常懼生類之殄也。賦政任役。常畏人力之盡也。取之以道。用之

以時山無槎枿。不麋胎。草木繁無鳥獸。阜滋民忘其勞。樂輸其財。百姓同於饒衍。上下共其雍熙。洪恩素蓄。民心固結。執義顧主。夫懷貞節。忿姦惡之于命。怨皇統之見替。玄謀設而陰行。合二九而成譎。登聖皇於天階。章漢祚之有秩。若此故王業可樂焉。今公子苟好勲民。以媮樂。忘民怨之爲仇也。好殫物以窮寵。忽下叛而生憂也。夫水所以載舟。亦所以覆舟。堅冰作於履霜。尋木起於蘗栽。昧且不顯。後世猶忘。況初制於甚泰。服者焉能改。裁故相如壯上林之觀。揚雄騁羽獵之辭。雖系以頽墻填壑。亂以收豎解梁。卒無補於風規。祇以昭其愆尤。臣濟參以陵君。忘經國之長基。故函谷擊柝於東。西朝廷顛覆而莫持。凡人心是所學。體安所習。鮑肆不知其

臭。翫其所以先入。咸池不齊度於鼃咬。而衆聽者惑疑。能不惑者。其唯子野乎。客旣醉於大道。飽於文義。勸德畏戒。喜懼交爭。罔然若醒。朝疲夕倦。奪氣褫魄。鬼之爲者也。忘其所以爲。談失其所以爲。夸良久。乃言曰。鄙哉予乎。予習非而遂迷也。幸見指南於吾子。若僕所聞。華而不實。先生之言。信而有徵。鄙夫寡識。而今而後。乃知大漢之德馨。咸在於此。昔常恨三墳五典。旣泯。仰不覩炎帝。帝魁之美。得聞先生之餘論。則大庭氏何以尚茲。走雖不敏。庶斯達矣。

南都賦

張衡

於顯樂都。旣麗且康。陪京之南。居漢之陽。割周楚之豐壤。跨荆豫而爲疆。體爽塏以閑敞。紛郁郁其難詳。爾其地勢。則武

池亂北渚兮揭南涯。汰澆滯兮船容裔。陽侯澆兮掩鳧鷖。追
水豹兮鞭蝮蝮。憚夔龍兮怖蛟螭。於是日將逮昏。樂者未荒。
收歡命駕兮分背。迴塘車雷震而風厲。馬鹿超而龍驤。夕暮言
歸。其樂難忘。斯乃游觀之好。耳目之娛。未覩其美者焉。足稱
舉。夫南陽者。真所謂漢之舊都也。遠世則劉后甘厥龍醢。視
魯懸而來遷。奉先帝而追孝。立唐祀於堯山。固靈根於夏葉。
終三代而始蕃。非純德之宏圖。孰能揆而處旃。近則考侯思
故。匪居匪寧。穢長沙之無樂。歷江湖而北征。耀朱光於白水。
會九世而飛榮。察茲邦之神偉。啟天心而寤靈。於是宮室則
有園廬舊宅。隆崇崔嵬。御房穆以華麗。連閣煥其相徽。聖皇
之所逍遙。靈祇之所保綬。章陵鬱以青蔥。清廟肅以微微。皇

祖歆而降福。彌萬祀而無衰。帝王臧其擅美。詠南音以顧懷。
且其君子弘懿明。敷允恭溫良。容止可則。出言有章。進退屈
申。與時抑揚。方今天地之睚刺。帝亂其政。豺虎肆虐。真人革
命之秋也。爾其則有謀臣武將。皆能攫戾執猛。破堅摧剛。排
捷陷扁。躡蹠咸陽。高祖階其塗。光武攬其英。是以關門反距。
漢德久長。及其去危乘安。視人用遷。周召之儔。據鼎足焉。以
庀王職。措紳之倫。經綸訓典。敷納以言。是以朝無闕政。風烈
昭宣也。於是乎鯢齒眉壽。鮐背之叟。皤皤然被黃髮者。喟然
相與歌曰。望翠華兮歲。建太常兮徘徊。駟飛龍兮駢駢。振
和鑿兮京師。總萬乘兮徘徊。按平路兮來歸。豈不思天子南
巡之辭者哉。遂作頌曰。皇祖止焉。光武起焉。據彼河洛。統四

文選正文卷之一
海焉。本枝百世。位天子焉。永世克孝。懷桑梓焉。真人南巡。觀
舊里焉。

三都賦序

左思

蓋詩有六義焉。其二曰賦。楊雄曰。詩人之賦。麗以則。班固曰。
賦者。古詩之流也。先王採焉。以觀土風。見綠竹猗猗。則知衛
地淇澳之產。見在其版屋。則知秦野西戎之宅。故能居然而
辨。八方然相如賦。上林而引盧橘。夏鼫。揚雄賦。甘泉而陳玉
樹青蔥。班固賦。西都而歎以出。比目。張衡賦。西京而述以游
海。若假稱珍。恠以爲潤色。若斯之類。匪啻於茲。考之果木。則
生非其壤。按之神物。則出非其所。於辭則易爲藻飾。於義則
虛而無徵。且夫玉卮無當。雖寶非用。侈言無驗。雖麗非經。而

論者莫不詆訐其研精。作者大氏舉爲憲章。積習生常。有自
來矣。予旣思摹二京。而賦三都。其山川城邑。則稽之地圖。鳥
獸草木。則驗之方志。風謠歌舞。各附其俗。魁梧長者。莫非其
舊。何則。發言爲詩者。詠其所志也。升高能賦者。頌其所見也。
美物者。貴依其本。讚事者。宜本其實。匪本匪實。覽者奚信。且
夫任土作貢。虞書所著。辨物居方。周易所慎。聊舉其一隅。攝
其體統。歸諸詰訓焉。

蜀都賦

有西蜀公子者。言於東吳王孫曰。蓋聞天以日月爲綱。地以
四海爲紀。九土星分。萬國錯峙。嶠函有帝王之宅。河洛爲王
者之里。吾子豈亦曾聞蜀都之事歟。請爲左右揚摧。而陳之。

夫蜀都者蓋兆基於上世開國於中古廓靈關而爲門包玉壘而爲宇帶二江之雙流抗峨眉之重阻水陸所湊兼六合而交會焉豐蔚所盛茂八區而菴藹焉於前則跨躡健并枕倚交趾經途所亘五千餘里山阜相屬含谿懷谷岡巒糾紛觸石吐雲鬱蒼蓋以翠微崩巍巍以峨峨干青霄而秀出舒丹氣以爲霞龍池瀉瀑潰其隈漏江伏流潰其阿汨若湯谷之揚濤沛若濛汜之涌波於是乎叩竹緣嶺茵桂臨崖旁挺龍目側生荔枝布綠葉之萋萋結朱實之離離迎隆冬而不凋常擘擘而猗猗孔翠羣翔犀象競馳白雉朝雛猩猩夜啼金馬騁光而絕景碧雞儵忽而曜儀火井沈熒於幽泉高燭飛燭於天垂其間則有虎珀丹青江珠瑕英金沙銀礫符采

彪炳曄麗灼爍於後則却背萃密北指崑崙緣以劍閣阻以石門流漢湯湯驚浪雷奔望之天廻卽之雲昏水物殊品鱗介異族或藏蛟螭或隱碧玉嘉魚出於丙穴良木攢於褒谷其樹則有木蘭檉桂杞櫛椅桐榲桲楔樅榎柗幽藹於谷底松栢蒼鬱於山峯擢脩幹竦長條扇飛雲拂輕霄羲和假道於峻岐陽鳥廻翼乎高標巢居棲翔聿兼鄧林穴宅奇獸窠宿異禽熊羆咆其陽鵬鴟鳩其陰猿狖騰希而競捷虎豹長嘯而永吟於東則左緜巴中百濮所充外負銅梁於宕渠內函要害於膏腴其中則有巴菽巴戟靈壽桃枝樊以菹圃濱以鹽池蠍螭山棲鼃龜水處潛龍蟠於泔澤應鳴鼓而興雨丹沙絕熾出其坂蜜房郁毓被其阜山圖采而得道赤芥服

而不朽若乃剛悍生其方風謠尚其武奮之則賓旅翫之則
渝舞銳氣剽於中葉躋容世於樂府於西則右挾岷山涌瀆
發川陪以白狼夷歌成章垌野草昧林麓黝儼交讓所植蹲
鷗所伏百藥灌叢寒并冬馥異類多夥于何不育其中則有
青珠黃環碧砮芒消或豐綠萸或蕃丹椒蘼蕪布灌於中阿
風連莖蔓於蘭皋紅葩紫飾柯葉漸苞敷葉葳蕤落英飄飄
神農是嘗盧附是料芳追氣邪味蠲癘瘡其封域之內則有
原隰墳衍通塋彌博演以潛沫浸以緜洛溝洫脈散疆里綺
錯黍稷油油稷稻莫莫指渠口以爲雲門灑滂池而爲陸澤
雖畢星之滂沱尚未齊其膏液爾乃邑居隱賑夾江傍山棟
宇相望桑梓接連家有鹽泉之井戶有橘柚之園其園則有

林檎枇杷橙柿棗棹櫻桃函列梅李羅生百果甲宅異色同
榮朱櫻春熟素柰夏成若乃大火流涼風厲白露凝微霜結
紫梨津潤楸栗罅發蒲桃亂潰石榴競裂甘至自零芬芳酷
烈其圃則有蒟蒻茱萸瓜疇芋區甘蔗辛薑陽蔭陰敷日往
非薇月來扶疎任土所麗衆獻而儲其沃瀝則有攢蔣叢蒲
綠菱紅蓮雜以蒹藻稌以蘋繁總莖柅柅裊葉藜藜蕢實時
味王公羞焉其中則有鴻儔鵠侶鷺鷥鶉鳩晨鳧旦至候鴈
銜蘆木落南翔冰泮北徂雲飛水宿唼吭清渠共澗則有白
龜命鼈玄獺土祭鱸鮪鱒魴鯉鱧鯊鱒差鱗次色錦質報章
躍濤戲瀨中流相忘於是乎金城石郭兼而中區旣麗且崇
實號成都闢一九之通門畫方軌之廣塗營新宮於爽塏擬

承明而起。廬結陽城之延閣。飛觀榭乎雲中。開高軒以臨山。列綺窻而瞰江內。則議殿爵堂。武義虎威。宣化之闕。崇禮之闈。華闕雙遶。重門洞開。金鋪交映。玉題相暉。外則軌躅八達。里閤對出。比屋連甍。千廡萬室。亦有甲第。當衢向術。壇宇顯敞。高門納駟。庭扣鐘磬。堂撫琴瑟。匪葛匪姜。疇能是恤。亞以少城。接乎其西。市鄣所會。萬商之淵。列隧百重。羅肆巨千。賄貨山積。纖麗星繁。都人士女。袷服靚粧。賈質帶鬻。舛錯縱橫。異物詭譎。奇於八方。布有幢華。麴有杭榔。叩杖傳節。於大夏之邑。蒟醬流味。於番禺之鄉。輿輦雜沓。冠帶混并。累轂疊跡。叛衍相傾。誼譁鼎沸。則咆聒宇宙。囂塵張天。則埃壒曜靈。闕闈之裏。伎巧之家。百室離房。機杼相和。貝錦斐成。濯色江波。

黃潤比筒。贏金所過。侈侈隆富。卓鄭埒名。公擅山川。貨殖私庭。藏鏹巨萬。鈔規兼呈。亦以財雄。翁習邊城。三蜀之豪。時來從百兩。若其舊俗。終冬始春。吉日良辰。置酒高堂。以御嘉賓。金罍中坐。肴核四陳。觴以清醪。鮮以紫鱗。羽爵執競。絲竹乃發。巴姬彈絃。漢女擊節。起西音於促柱。歌江上之飄厲。紆長袖而屢舞。翩躚躑躑。以裔裔合樽。促席引滿。相罰樂飲。今夕一醉。累月若夫。王孫之屬。邵公之倫。從禽於外。巷無居人。並乘驥子。俱服魚文。玄黃異技。結駟續紛。西踰金隄。東越玉津。朔別晦期。匪日匪旬。楚蹈蒙籠。涉躅寥廓。鷹犬倏呻。尉羅絡幕。毛羣陸離。羽族紛泊。翕響揮霍。中網林薄。屠麋麋。剪旄塵帶。

文地跨彫虎志未騁時欲晚追輕翼赴絕遠出彭門之闕馳
九折之坂經三峽之崢嶸躡五岫之蹇澹載食鐵之獸射噬
毒之鹿晶獅呖於萋草彈言鳥於森木拔象齒屣犀角鳥鍛
翻獸廢足殆而竭來相與第如滇池集乎江洲試水客穢輕
舟娉江婁與神游菴翡翠釣鯁鮒下高鶻出潛蚪吹洞簫發
耀謳感鱗魚動陽侯騰波沸涌珠貝沈浮若雲漢含星而光
耀洪流將饗獠者張帝幕會平原酌清醕割芳鮮飲御酣賓
旅旋車馬雷駭轟轟闐闐若風流雨散漫乎數百里之間斯
蓋宅七之所安衆觀聽之所踊躍也焉獨三川爲世朝市若
乃卓犖奇譎侗儻罔已一經神恠一緯人理遠則岷山之精
上爲井絡天帝運期而會昌景福盼蠻而興作碧出萇弘之
血鳥生杜宇之鬼妄變化而非常嗟見偉於疇昔近則江漢
炳靈世載其英蔚若相如嚼若君平王褒擘擘而秀發楊雄
含章而挺生幽思絢道德摛藻揆天庭考四海而爲雋當中
葉而擅名是故游談者以爲譽造作者以爲程也至乎臨谷
爲塞因山爲障峻阻陞墀長城豁險吞若巨防一人守隘萬
夫莫向公孫躍馬而稱帝劉宗下輦而自王由此言之天下
孰尚故雖兼諸夏之富有猶未若茲都之無量也

